

مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ

۲۵ ربیع الاول ۱۳۳۰

پنجشنبہ

جزو عدد : ۱۳۷

کمال قرق سنه اول سويلديکي

برقطه

کلال ویردی دله جور دور سفله نهاد

چکلمز اولدی ادانی جفاسی عالمده

ممائی ایتسه کوکل جان ایله نوله خواهش

عذاب ایدرسه ده الله ایدر جهنمه

کمال بو قطعه سیله ناله زن انفعال اولدینی تاریخده مثلاً : مقام صدارتی نوبت بنوبت عالی پاشالر ، فؤاد پاشالر ، قبریسلیلر ، مترجملر ، یوسف کامل پاشالر و نهایت محمود ندیلر ، مدحت پاشالر احراز ایتمکده ایدیلر .

خارجیه نظارت مزده ینه بوذواتدن عالی و فؤاد پاشالره صفوت ، و خلیل شریف و راشد پاشالر یکدیگری استخلاف ایلور ایدیلر .

مالیه نظارت مزه کانی پاشالر ، شروانیلر ، فاضل مصطفی لر ، صادق پاشالر کبی اعظم ملت اداره ایلمکده ایدیلر .

نافعه و معارف نظارتلر مزه ادهم پاشا کبی یارس (بولیتقنیک) ندن مأذون ، صبحی پاشا کبی حوصله عرفان و اتقانی معارف اسلامیه و غربیه ایله مشغون ، کمال افندی مرحوم کبی امر معارفده کی شوق مساعیسی روز افزون علامه لر زینت بخش اولمقده ایدیلر .

صدارت و خارجیه مستشارلر مزه حباب افندیلر ، سعید افندیلر ، صفوت افندیلر ، سرور افندیلر ، خلیل بکلر ، حق پاشالر ، خورشید پاشالر کبی رشید و عالی پاشالر ک برکشیده سی اولان اعظم رجالدن ایدیلر .

والیلمز مدحت پاشالر ، عارف پاشالر ، عاكف پاشالر ، مظهر عثمان پاشالر ،
مصطفی نائی پاشالر کبی هربری برولايته والی دکل ، امیر وخدیو اولغه شایان
سروران ملت ایدیلر .

متصرفلرمن عبدالرحمن پاشالر ، صبری پاشالر ، احمد راسم پاشالر ، سلیمان
پاشالر ، مصرلی راشد پاشالر ، رستم پاشالر کبی مؤخرأ هربری برر نظارت وولایته
اثبات استحقاق ایدن اکابر امتدن ایدیلر .

عجبا روح کمال معاصرلرخی مراد ایتدیکی بوقطعه سندن طولانی بوگون بحق
معذب دکلیدر ؟ یاخود شاعرمن بوگون برحیات بولنمق لازم کلسه یدی ، بوقول
نارواسته :

جزاسی بوکناهاك کنیدیمی هجو ایتمه در زیرا
چرا کاری کند عاقل که باز آرد پشیمانی

فریاديله اعلان ندامت ایلز ایدی .

